



Republika e Kosovës
Republika Kosova - Republic of KOSOVO
Komisioni Qendror i Zgjedhjeve
Centralna Izborna Komisija
Central Election Commission

Republika e Kosovës
Republika Kosova-Republic of Kosovo
Komisioni Qendror i Zgjedhjeve
Centralna Izborna Komisija
Central Election Commission

13 -01- 2021
Prishtinë / Priština
71- 2021

Në bazë të autorizimeve të dhëna me nenin 84, 86.2 dhe **103** Brdhe të Ligjit nr. 03/L 072 për Zgjedhjet e Përgjithshme në Republikën e Kosovës, si dhe nenin 11.6 të Rregullës Zgjedhore Nr.09/2013 Votimi, Numërimi në Vendvotime dhe Menaxhimi i Qendrës së Votimit, Komisioni Qendror i Zgjedhjeve, në mbledhjen e rregullt të mbajtur më 13.01.2021, nxjerr këtë:

VENDIM

Për Miratimin e Planit Operacional të KQZ-së për Sigurinë e Zgjedhjeve të Parakohshme për Kuvendin e Kosovës

- I. Miratohet Plani Operacional i KQZ-së, për sigurinë e zgjedhjeve të parakohshme për Kuvendin e Kosovës, që do të mbahen më 14.02.2021.
- II. Plani Operacional i Sigurisë, është pjesë përbërëse e këtij vendimi.
- III. Obligohet Sekretariati i KQZ-së për zbatimin e këtij vendimi.
- IV. Ky vendim hyn në fuqi ditën e nënshkrimit.


Prishtinë, 13.01.2021

Kryetare e Komisionit Qendror të Zgjedhjeve





Republika e Kosovës
Republika Kosova - Republic of Kosovo
Komisioni Qendror i Zgjedhjeve
Centralna Izborna Komisija
Central Election Commission



Republika e Kosovës
Komisioni Qendror i Zgjedhjeve
Plani Operacional i Sigurisë

për

**ZGJEDHJET E PARAKOHSHME PËR KUVENDIN E KOSOVËS
2021**

Departamenti i Koordinimit në Terren

© [2021] - [Komisioni Qendror i Zgjedhjeve].

ZGJEDHJET

Misioni dhe përkushtimi i KQZ-së është organizimi i zgjedhjeve të lira, të drejta dhe demokratike, kredibile dhe me standarde të larta, ku me transparencë i'u ofron të gjithë qytetareve mundësi dhe shërbime cilësore zgjedhore për ushtrimin e së drejtës së tyre për të zgjedhur dhe për t'u zgjedhur. Në një atmosferë të qetë, pa detyrim, frikësim ose lëndim të asnje qytetari të Kosovës. Dhe se, Votuesit Republikës së Kosovës në mënyrë demokratike nëpërmjet këtyre zgjedhjeve do të zgjedhin përfaqësuesit për Kuvendin e Kosovës.

Përgjegjësinë e vetme për zbatimin e Planit Operacional të Sigurisë së KQZ-së është Sekretariati i Komisionit Qendror të Zgjedhjeve të Republikës së Kosovës, duke bashkëpunuar ngushtë me institucionet tjera që janë të parapara në Memorandumin e Bashkëpunimit ndërinstitucional.

KQZ në bashkëpunim me Policinë e Republikës së Kosovës, në kontestin e sigurisë ruajtjes së rendit dhe qetësisë publike do të punojnë për të arritur qëllimin kryesor mbarvajtjen e këtij procesi zgjedhor, prandaj raportet dhe praktikat e krijuara do të zhvillohen në atë mënyrë që të sigurojnë përmbrushjen e objektivit të përbashkët: “Zgjedhje të Lira të Drejta dhe Demokratike”.

www.kqz-ks.org

Ruga Migjeni, Nr. 21
10 000, Prishtinë
Republika e Kosovës

1. Hyrje

- 1.1 Me planin operacional të sigurisë parashihen të gjitha aspektet dhe fazat operacionale nëpër të cilat do të ofrohet siguria për Zgjedhjet e Parakohshme për Kuvendin e Republikës së Kosovës 2021, përmes planifikimit të duhur dhe me bashkëpunimin me Policinë e Kosovës (PK-në) për të garantuar klime të qetë dhe të sigurtë për gjithë qytetarët/votuesit dhe elektoratin e Republikës së Kosovës duke përfshirë edhe subjektet tjera të inkuadruar gjatë këtij procesi zgjedhor.
- 1.2 Për të gjitha koordinimet për nga aspekti i sigurisë do të informohet menjëherë Policia e Kosovës për veprime të mëtutjeshme sipas Ligjit dhe mandatit të tyre, e PK-ja nëse parashev nevojë për mbështetje vepron sipas procedurave të saj për mbështetje, ku kjo e fundit në rast nevoje, bën koordinimin me institucionet tjera të sigurisë që verpojnë në Republikën e Kosovës, gjithmonë pas vlerësimit të situatës së sigurisë dhe nevojave operacionale nga Policia e Kosovës.
- 2 Komisioni Qendror i Zgjedhjeve dhe Policia e Kosovës, në kuadër të obligimeve kushtetuese, të drejtave, autorizimeve dhe kompetencave ligjore do të bashkëpunojnë me organet kompetente nga Ministria e Shëndetësisë, respektivisht IKSHPK-në, për menaxhimin e situatave që rrjedhin nga Ligji Nr.07/L-006 për Parandalimin dhe Luftimin e Pandemisë COVID-19 në Territorin e Republikës së Kosovës).
- 3 Në momentet e pranimit të rekomandimeve nga organet kompetente shëndetësore, apo institacioneve përkatëse, KQZ, Policia Republikës së Kosovës do të veprojnë konform rekomandimeve përkatëse, me ç'rast KQZ mund të nxjerrë Udhëzime sipas situatës së krijuar për menaxhimin e procesit zgjedhor në komunat përkatëse.

DITA E ZGJEDHJEVE

- 14 shkurti 2021 njihet si ***Dita e Zgjedhjeve***
- Fushata e Zgjedhjeve do të zgjasë dhjetë (10) ditë, duke filluar me datë **3 shkurt – ora 00:01 deri më 12 shkurt 2021 në ora 23:59**.
- **Janë gjithsjetë 888 Qendra të Votimit dhe rreth 2460 Vendvotime.**
- Komisioni Qendror i Zgjedhjeve, si institucion i pavarur kushtetues do të realizon përgatitjet dhe mbajtjen e zgjedhjeve në pajtim me parimet dhe Dispozitat e Ligjit për Zgjedhjet e Përgjithshme dhe Lokale në Republikën e Kosovës.
- Më 14 shkurt 2021, janë Zgjedhjet e Parakohshme për Kuvendin e Republikës së Kosovës.
- Zgjedhjet do të zhvillohen në pajtim me Ligjin për Zgjedhjet e Përgjithshme, Lokale, Rregullave të KQZ-së, Ligjit Nr.07/L-006 për Parandalimin dhe Luftimin e Pandemisë COVID-19 në Territorin e Republikës së Kosovës, dhe udhëzimet e Institutit Kombëtar të Shëndetësisë Publike në Republikën e Kosovës.
- Në nivelin qendror përgjegjësinë për planifikim operativë/siguri do të ketë Departamenti i Koordinimit në Terren (DKT) në SKQZ në bashkëpunim me njësitë tjera në SKQZ, ndërsa në nivlein komunal (KKZ-të) e komunave përkatëse në tërë Republikën e Kosovës janë përgjegjëse për organizim, bashkëpunim dhe bashkërendim të planifikimeve operative me Policinë dhe akterët tjerë pjesmarrës në zgjedhje.

2 - PËRGJEGJEGJËSIT E SIGURISË

- 2.1 Përgjegjësinë për menaxhimin e sigurisë publike gjatë procesit zgjedhor për Zgjedhjet e Parakohshme për Kuvendin e Republikës së Kosovës të datës 14 shkurt 2021, do të ketë Policia e Republikës së Kosovës.
- 2.2 Të gjitha planifikimet, koordinimet dhe mbikëqyrjet e aspekteve operative do të bëhen dhe përcaktohen në nivelin qendror, ndërmjet KQZ-së dhe PK-së.

3 - FAZAT E PROCESIT ZGJEDHOR

- 3.1 Në mënyrë që të ndiqen procedurat e përgjithshme i tërë operacioni është ndarë në katër faza të ndryshme:

- a. **Faza 1 – Periudha para fushatës zgjedhore.** SKQZ në bashkëpunim me PK-në do t'i koordinojnë të gjitha aktivitetet sipas Planit Operacional të KQZ-së për Zgjedhjet e Jashtëzakonshme për për Zgjedhjet e Parakohshme për Kuvendin e Republikës së Kosovës të datës 14 shkurt 2021, dhe po ashtu do t'i koordinojnë të gjitha punët në bashkëpunim me KKZ-të e komunave përkatëse, për përgatitjet finale dhe sigurinë e të gjitha objekteve fizike të caktuara nga KQZ si; Depo Qendrore e KQZ-se, Zyrate të KKZ-së, Depove të KKZ-ve, QV-ve, QNR si dhe planifikimet për shpërndarjen e materialit sensitiv nëpër të gjitha pikat kryesore të KQZ-së për organizimin e zgjedhjeve të 14 shkurtit 2021.

Me rëndësi:

Bazuar në Vendimet e KQZ-së, Qeverisë së RKS-së dhe udhëzimet e IKSHP-së, lidhur me tubimet publike, për fushatën zgjedhore do të veprohen konform situatave të krijuara në kohë reale.

- b. **Takim Orientues nga KQZ për KKZ-në, PK-në dhe Prokurorinë e Shtetit, PZAP, KGJK, KPM, OJQ-të.**

Në fillim të fushatës së zgjedhjeve KQZ/KKZ dhe PK do të koordinojnë punët dhe do të tentojnë të organizojnë takim orientues për përgjegjësitë sipas detyrate përkatëse, në funksion të zbatimit të nenit 10 Memorandumit të Bashkëpunit të procesin zgjedhor për procesin zgjedhor mes KQZ-së, PK-së, PSH-së, PZAP-së KGJK-së dhe KPM-së lidhur me obligimet që i kanë secili institucion për organizimin, koordinimin dhe menaxhimin e situatave për organizimin e Zgjedhjeve të 14 shkurtit 2021. Pjesëmarrës në takim do të janë Niveli Qendror i Institucioneve përkatëse.

KQZ dhe PK, do të bashkërendojnë aktivitetet e sigurisë me të gjitha institucionat apo organizatat vendore dhe ndërkombëtare, sipas vendimeve qe i ndërmerr KQZ, për zgjedhjet në fjalë.

Takimi orientues planifikohet të mbahet me datë 1 shkurt 2021, në nivelin qendror në Prishtinë, duke respektuar vendimet e Qeverisë së RKS-së, Qarkores së MSH-së lidhur me organizimin e takimeve brenda vendit. Pra, për shkaqe të pandemisë Programi Orientues i Sigurisë DUHET të mbahet nën masat e mbrojtura duke respektuar rregullat e institucioneve ndaj pandemisë Covid-19, formati dhe mënyra mbetet të përcaktohet mes institucioneve bashkëpunesë ne këtë Plan Operacional të Sigurisë, pra nga KQZ dhe Policia e RKS-së.

- c. **Faza 2 – Fushata e zgjedhjeve.** Gjatë kësaj periudhe, rolin kryesor për sigurinë do ta marrë përsipër PK-ja. Kjo periudhë fillon 13 ditë para Ditës së Zgjedhjeve, dhe do te zgjasë nga data; 3 shkurt 2021, në ora 00:01 duke përfunduar kështu më 12 shkurt 2021, në ora 23:59. Vlerësohet se numri i

ngjarjeve politike do të jetë përafërsisht 500-1000 tubime politike të Subjekteve Politike në nivel vendi për zgjedhjet në fjalë.

- d. **Faza 3 – Dita e Zgjedhjeve.** KQZ-ja në bashkëpunim me PK-në do të zbatojë Planin Operacional të KQZ-së në koordinim të plotë me institucionet relevante shtetërore, ndërsa shtuar këtij plani, PK-ja posedon planin e tyre operativ sipas përgjegjësive të brendshme ligjore, për të gjitha aktivitetet e Ditës së Zgjedhjeve.
- e. **Faza 4 – Periudha pas zgjedhjeve.** Pas Ditës së Zgjedhjeve, i gjithë materiali i ndjeshëm që trajtohet si i tillë nga KQZ, do të sigurohet nga Policia, derisa Koordinatori i Sigurisë nga SKQZ, me shkresë zyrtare njofton se kur përfundon trajtimi i ndjeshmërisë së materialit në fjalë, pra pas këtij raporti/shkresë që i përcjellët Policisë, pastaj bëhet vlerësimi nga SKQZ dhe Policia (zyrtarët koordinues) se si do të jetë sigurimi i QNR-së. Me theks te veçantë vlerësimi i sigurisë për materialin e ndjeshëm.

4 - MASAT E SIGURISË NË DITËN E ZGJEDHJEVE

- 4.1 **POLICIA E KOSOVËS (PK)** Në Zgjedhjet e Parakohshme për Kuvendin e Republikës së Kosovës të datës 14 shkurt 2021, të gjitha masat e sigurisë do të menaxhohen nga PK-ja e cila është përgjegjëse për masa të sigurisë.
- Koordinon dhe monitoron të gjitha ngjarjet rreth zgjedhjeve në bashkëpunim me SKQZ-në.
 - Ofron siguri në të gjitha Qendrat e Votimit në Ditën e Zgjedhjeve prej hapjes së procesit te votimit, e deri në numërimin e fletëvotimeve dhe mbylljen e votimit. Po ashtu bën sigurimin fizik të Zyrës së KKZ-së, Depos së KKZ-së ku ndodhet materiali sensitiv.
 - Siguron përcjellje e materialit të ndjeshëm që prej fillimit të procesit, për fletëvotimet nga Depo Qendrore e KQZ-së për në Depotë Komunale, nga Depot Komunale në Qendrat e Votimit dhe pas mbylljes së votimit do të bëjë përcjelljen e fletëvotimeve prej Qendrave të Votimit në Depot Komunale të KKZ-ve, e më pastaj prej Depove Komunale në Qendrën e Numërimit dhe Rezultateve (QNR) Prishtinë.
 - Në rastet ku vërehen nga Policia dhe Zyrtaret Zgjedhor që person/a të armatosur para ose ne objektet zgjedhore, duhet të reagojnë menjëherë që ç'do person që posedon armë të mos i lejohet hyrja në Qendra të Votimit, me përjashtim të zyrtareve të PK-së në detyrë zyrtare, zyrtareve për mbrojtë të afërt.
 - Azhurnon bazat e të dhënavës në baza ditore (tubimet politike, raporte incidentesh, dhe bën raporte të rregullta, etj).
 - Menaxhojnë dhe koordinohen për çdo çështje të sigurisë lidhur me procesin zgjedhor në mes të zyrtarëve të SKQZ-së dhe KKZ-së, për veprime procedurale sipas ligjeve përkatëse në fuqi.
 - Ofron siguri për personelin e KQZ-se në rast nevoje ne situata të ndryshme.
 - PK **NUK** do të lejoj qasje në të gjitha lokacionet ku merret me sigurim permanent të asnje personi/personave të cilët **NUK** janë të pajisur me kartelë identifikuese nga KQZ-ja, si dheasnje automjet nuk do të ketë qasje në ato lokacione ku PK ofron siguri nëse paraprakisht PK nuk i ka detalet nga KQZ.
 - Hartojnë dhe i azhurnojnë raportet mbi vlerësimin e rrezikut/gjendjen, bazuar në situatën ekzistuese te fushatës zgjedhore për siguri në rajonin e vet përkatës;
 - Ofron siguri sipas kërkesave për Operacionet e Shërbimeve të Votuesve, transportet e materialit të ndjeshëm (fletëvotimet dhe materialet tjera të tillë) e cila dhomë do të jetë në ndërtesën e KQZ-së dhe Zyrtarët Policor do të sigurojnë Dhomën e Sigurisë po aq sa qëndron materiali i ndjeshëm në atë dhomë.

4 Sekretariati i KQZ-së

- 4.1 SKQZ gjegjësish përmes Departamentit të Koordinimit në Terren do të koordinoj të gjitha aspektet e sigurisë për Zgjedhjet e Parakohshme për Kuvendin e Republikës së Kosovës të datës 14 shkurt 2021, në bashkëpunim të ngushtë me PK-në.
- 4.2 SKQZ sipas kërkesës, i'a ofron PK-së të gjitha informata që lidhen me sigurinë dhe hetimet, që kanë të bëjnë me zgjedhjet, por duke mos u kufizuar vetëm në objektet, personelin, partitë politike, kandidatët, oraret, proceset dhe procedurat. Përveç të dhënavë që mbrohen me ligj të veçantë.
- 4.2 SKQZ përkujdeset që KKZ, të bashkëpunojnë në të gjitha çështjet e sigurisë që lidhen me zgjedhjet në nivelin lokal.
- 4.3 Në Ditën e Zgjedhjeve, Komisioni Qendorr i Zgjedhjeve do të formojë Dhomën Operative, e cila do të jetë përgjegjëse për:
 - Mbajtjen e ndërlidhjes së ngushtë me PK-në;
 - Mbajtjen e kontakteve të ngushta me personelin e KKZ-ve dhe trupave menaxhuese të Qendrave të Votimit;
 - Marrjen e të gjitha informatave dhe raporteve mbi incidentet që arrijnë nga PK-ja dhe ZLKZ dhe e mban KQZ-në të informuar rregullisht për situatën ekzistuese.
 - Monitorimin e transportimit dhe kthimit të fletëvotimeve nga depot kryesore në QV-të dhe kthimin e tyre prapa në QNR dhe atë nga Dhoma e OVPP-se në QNR.

5. VLERËSIMET E KËRCËNIMEVE / RREZIQEVE

- 5.1 Vlerësimet specifike të rreziqeve do të bëhen për objektet dhe aktivitetet që kanë të bëjnë me zgjedhjet. Do të ketë vlerësime të rrezikut për zyrën e komisionit komunal të zgjedhjeve (KKZ), depon dhe qendrat e votimit. Në mënyrë të ngashme do të përgatiten vlerësime e rrezikut për të gjitha aktivitetet e partive politike.
- 5.2 Personeli që punon për SKQZ-në, duhet t'i raportojë të gjitha incidentet me rëndësi dhe/ose rastet e dhunës politike, ngacmimet ose frikësimet përmes zinxhirit përkatës të tyre në SKQZ.

5.2.1 Vlerësimet e rreziqeve për Depon Qendrore të KQZ-së, QNR, Zyrat dhe Depot e KKZ-ve dhe Qendrat e Votimit (QV-të)

- Gjatë përgatitjes së zgjedhjeve duhet të bëhet vlerësimi fillestar i rrezikut për Depon Qendrore të KQZ-së, QNR, Zyrat dhe Depot e KKZ-ve, (ruajtja e materialit të ndjeshëm) dhe Qendrave të Votimit (për Ditën e Zgjedhjeve). Vlerësimet e rrezikut do të përpilohen nga PK-ja në bashkëpunim me SKQZ-në.
- Zyrtaret përgjegjës, Zyrtari i Lartë Komunal i Zgjedhjeve (ZLKZ) në Komunat përkatëse, do të jenë të pranishëm në të gjitha vlerësimet e rreziqeve në kuadër të përgjegjësisë së tyre. Ç'do vlerësim i rrezikut do të kryhet dhe më vonë do të dërgohet me mjete elektronike nga Drejtoria e Përgjithshme e Policisë, ndërsa kopja do t'i dërgohet SKQZ-së.
- *Vlerësimet e rrezikut për zyrat e KKZ-ve dhe depove komunale do të përfundohen deri më datë 22 janar 2021, ndërsa vlerësimet e rrezikut për Qendrat e Votimit do të përfundohen deri më 25 janar 2021.*

5.3 - Vlerësimet e rrezikut për ngjarjet politike (tubimet, etj.)

- 5.3.1 PK-ja është përgjegjëse për kryerjen e vlerësimeve të rrezikut brenda lokacioneve të tyre, pas një vlerësimi të parë në stacionin e policisë. Nëse prej këtyre vlerësimeve del si rezultat se ka kërcënim potencial ndaj ngjarjes, atëherë ajo; **Nuk do të miratohet as nga KKZ e as nga PK.**
- 5.3.2 Vlerësimi i rrezikut për ngjarjet politike do të bëhet në çdo ditë.

5.4 - Ndryshimet në vlerësimet fillestare të rrezikut

- 5.4.1 Cila do palë mund të kërkojë rivlerësimin e një lokacioni. Kërkesa iniciohet në nivelin Lokal dhe i transmetohet me shkrim ose përmes postës elektronike Nivelit Qendror të Policisë. Kërkesa do të përfshijë të dyja; rivlerësimin, krahas arsyeve të cekura qartë për kërkesën. Pastaj Policia e Kosovës do të konsultohet me SKQZ-KQZ-në dhe nxjerrë rivlerësimin e vet.

6 - VOTIMI JASHTË KOSOVES

- 6.1 Votuesi me zotësi juridike që banojnë jashtë Kosovës, në kohë të zgjedhjeve në fjalë mund të hedhë fletëvotimin jashtë Kosovës në përputhje me planin e përcaktuar nga KQZ, procedurat dhe Rregullat e Zgjedhjeve.
- 6.2 Fletëvitime që vijnë përmes postes do të përcillen nga PK-ja, e deri sa të arrijnë në zyrën e OPP-së. PK për çdo kërkesë për përcjellje paraprakisht do të njoftohet nga SKQZ-ja, në mënyrë që të përgatitet planifikimi i duhur operativ e organizativ dhe menaxhues.

7 - FUSHATA E ZGJEDHJEVE

- 7.1. Fushata e zgjedhjeve, fillon më 3 shkurt 2021 dhe pritet të mbahen afro 500-1000 tubime politike deri në ora 23:59 të datës 12 shkurt 2021, kur do të mbaron periudha 10 ditore e fushatës.

Të gjitha subjektet politike do ti dorëzojnë Zyrtarit të Lartë Komunal të KKZ-së në komunën përkatëse, për adresën/vendin ku ata planifikojnë të mbahet ngjarja publike, hollësitë e ngjarjes, duke përfshirë kohën, lokacionin dhe çfarëdo informatë tjetër që kërkohet nga autoritetet gjatë periudhës kohore të përcaktuar në Rregullën Zgjedhore Nr.13/2013.

- 7.2.1 Çdo kërkesë duhet t'i dorëzohet KKZ-së së paku 24 orë përpëra.** Ky është minimumi i kohës së nevojshme për të bërë vlerësimin e duhur të sigurisë mbi ngjarjen e planifikuar. Të bashkangjitur si Shtoja 1 mund të gjeni kopjen e Formularit te Njoftimit per Mbajtjen e Tubimit Politik (FNJMTP)

(shih shtojcën 1.)

- 7.1.1 Zyrtarët e policisë të përcaktuar në stacionet e policisë në komunat përkatëse, si zyrtarë të ndërlidhjes për zgjedhje, do të monitorojnë të gjitha ngjarjet politike, duke u'a dërguar raportet e tyre të monitorimit, ku do t'i dërgohen Drejtorisë së Përgjithshme të Policisë dhe SKQZ-së.
- 7.1.2 Mosmarrëveshjet në lidhje me mbajtjen e ndonjë ngjarje politike ne vendet publike mund të shqyrtohen dhe zgjidhen nga Paneli Zgjedhor për Ankesa dhe Parashtresa.

8 - DITA-Z

- 8.1 Zgjedhjet e Parakohshme për Kuvendin e Republikës së Kosovës do të mbahen më **14 shkurt 2021** dhe kjo njihet si **Dita e Zgjedhjeve**.
- 8.1.1 Operacioni do të fillojë rreth orës 04:00 të mëngjesit po atë ditë dhe pritet të përfundojë 24 orë më vonë PK-ja do të ofrojë përcjellje të sigurisë për ekipet e zgjedhjeve që udhëtojnë nga Depo deri te Qendrat e Votimit si dhe për ekipet mobile, duke përfshirë dhe ekipet mobile për votuesit të infektuar me SARS-CoV-2 nëpër komunat përkatëse, institucionet Shëndetësore dhe Qendrat të Paraburgimit sipas nevojave zyrtare të KQZ, për ofrimin e votimit të personave që janë në vuajtje të dënimit.
- 8.1.2 Kur ekipet e zgjedhjeve (KVV-të) të përfundojnë mbylljen e vendvotimeve dhe të largohen nga Qendrat e Votimit në drejtim të Depos kryesore në KKZ, përcjellja e sigurisë do të kërkohet në atë lokacion dhe më vonë nga Depo kryesore deri në QNR.

8.2 - Komisionet Komunale tē Zgjedhjeve (KKZ)

8.2.1 Në Ditën e Zgjedhjeve, Komisionet Komunale tē Zgjedhjeve në komunat përkatëse, do tē jetë përgjegjës për:

- Mbajtjen e ndërlidhjes së ngushtë me DKT-SKQZ-në.
- Informimin e KQZ-së pér çfarëdo incidenti sipas përgjegjësisë së tyre.
- Monitorimin e situatës në QV dhe tē zhvillimit të procesit të votimit.
- Identifikimin e lokacioneve pér tē papriturat, në rast se ndonjë Qendër e Votimit nuk është në dispozicion në Ditën e Zgjedhjeve.
- Sistemimin e automjeteve pér tē papriturat, pér transportimin e fletëvotimeve, në rast se ndonjëra nga automjetet e identikuara nuk është në dispozicion (aksidentet, defektet në motor, etj).

9 - PROCEDURAT E RAPORTIMIT

Komunikimet me radio / telefon / e-mail

Rrjedha e informatave prej SKQZ-së, PK-së dhe KKZ-së dhe anasjelltas do tē koordinohen nga PK-ja dhe SKQZ-ja.

10 - MASAT PËR NGJARJET E PAPRITURA

- 10.1 KQZ-ja duhet t'i identifikojë lokacionet pér tē papriturat, pér t'u përdorur si QV, në rast se ndonjëra nga lokacionet primare tē identikuara konsiderohet e papërdorshme pér çfarëdo arsyen në Ditën e Zgjedhjeve. Nëse ndonjëra nga QV-të nuk mund tē vihet në dispozicion në Ditën e Zgjedhjeve, votuesit automatikisht duhet tē zhvendosen në QV-në më tē afërt alternative.
- 10.2 SKQZ-ja gjithashtu duhet tē ketë në dispozicion automjete/kamionë rezervë pér transportimin e personelit/fletëvotimeve në Ditën e Zgjedhjeve, në rast tē ndonjë aksidenti në komunikacion, defekti në motor, etj.

SHTOJCA - B

PROCEDURAT PËR NJOFTIMIN E NGJARJEVE POLITIKE

- 1) Subjektet politike tē certifikuara nuk duhet t'i mbajnë tubimet publike brenda hapësirës së ndërtesave që shfrytëzohen nga Qeveria, Institucionet dhe Agjencitë e Pavarura të Republikës së Kosovës ashtu siç përcaktohen në Kreun XII të Kushtetutës së Republikës së Kosovës, në shkolla gjatë orëve të mësimit, spitale, objekte të FSK-së, objektet e kultit, objekte fetare, ose vende në pronësi private pa pëlqimin e pronarëve tē tyre. Shkollat nuk duhen tē përdorën pér tubime publike përveç nëse Qeveria e Kosovës vendos ndryshe që ato tē përdorën vetëm pas orarit tē punës.
- 2) Subjekti i certifikuar politik që dëshiron tē organizojë dhe tē mbajë një tubim politik duhet që te Zyrtari Komunal i Zgjedhjeve i Komunës së Mitrovicë së Veriut (ZLKZ) ta dorëzojë formularin e plotësuar tē Njoftimit pér Mbajtjen e Tubimit Politik (FNjMTP), si në Shtojcën 1, së paku njëzet e katër (24) orë përparrë.
- 3) ZLKZ-ja, menjëherë pas marrjes së një FNjMTP-je nga një subjekt politik duhet që:
 - (a) t'i përcjellë FNjMTP-në Stacionit Policor në zonën ku do tē mbahet tubimi publik dhe do ta informojë në mënyrë të duhur subjektin politik tē certifikuar, në rast

se nuk janë dorëzuar FNjMTP të ngjashme nga subjektet e tjera politike për mbajtjen e një tubimi publik në vendin dhe kohën e njëjtë ose në kohën dhe vendin e përafërt gjegjës; ose

(b) të vendosë se cili subjekt politik do ta mbajë tubimin publik, e cili jo, në rast se është dorëzuar një FNjMTP tjetër nga një subjekt tjetër politik për mbajtjen e një tubimi publik në vendin dhe kohën e njëjtë ose për kohën dhe vendin e përafërt gjegjës. KKZ-ja duhet t'i informojë subjektet politike të certifikuara në mënyrë të duhur.

(c) nëse dy apo më shumë subjekte politike propozojnë të mbajnë tubime, ngjarje publike në të njejtën kohë në vend të njejtë, atëherë subjekti që ka aplikuar i pari do të ketë përparësi. Megjithatë asnjë subjekti politik nuk do ti lejohet haspira publike, perveq nëse lejohet ndryshe nga KQZ, me vendim të veçant.

- 4) Subjekti politik i certifikuar që ka marrë përgjigje negative nga një KKZ në kërkesën për mbajtjen e tubimit publik si në 4.3 (b) të kësaj Rregulle, mund të ushtrojë ankesë ndaj atij vendimi në KQZ, brenda dyzet e tetë (48) orësh nga koha e marrjes së njoftimit të tillë, në PZAP.
- 5) Subjekti politik i certifikuar do ta mbajë tubimin publik duke i respektuar të gjitha parimet ligjore me të cilat rregullohen tubimet publike.
- 6) KKZ-ja duhet të mbajë shënimë për të gjitha FNjMTP-të e marra dhe kopjet e letërkëmbimit me shkrim me subjektet politike dhe policinë, për çdo referim në të ardhmen.
- 7) ZLKZ-ja është përgjegjës të mbajë koordinim të vazhdueshëm me policinë dhe të informohet për çdo shkelje të Kodit të Sjelljes për Subjektet Politike dhe përfaqësuesit e tyre që mund të ndodhin gjatë tubimeve publike. Raportet e Policisë në lidhje me prishjen e ndonjë ngjarje politike i vihen ne dispozicion KQZ-së dhe PZAP-it. Çdo shkelje serioze duhet që menjëherë të raportohet në PZAP për veprim të mëtejshëm nga ana e tyre.
- 8) ZLKZ-ja pasi qe të pranon njoftimin do të kontrollojë nëse ndonjë ngjarje tjetër tanimë është planifikuar në lokacionin e kërkuar dhe nëse është brenda 2 (dy) orësh nga koha e kërkuar. Ngjarjet e planikuara në komunën përkatëse te KKZ-së me më pak se 2 dy orë mes tyre (mes kohës së përfundimit të tubimit të parë dhe fillimit të tubimit të dytë), njoftimi i fundit nuk do të miratohet dhe në nivel të KKZ's, partisë politike duhet t'i sugjerohet mundësia e ri planifikimit.



FORMULARI I NJOFTIMIT PËR MBAJTJEN E TUBIMIT POLITIK

EMRI I SUBJEKTIT POLITIK	
DATA DHE KOHA E DORËZIMIT TË NJOFTIMIT TE ZYRTARI i LARTE I KKZ-SË	
EMRI DHE MBIEMRI I PËRSONIT QË E DORËZON NJOFTIMIN	
DATA DHE KOHA E DOREZIMIT TE NJOFTIMIT NE STACIONIN POLICOR	
EMRI DHE MBIEMRI I PERSONIT QE E MERR NJOFTIMIN	

INFORMATAT MBI TUBIMIN

EMRAT E UDHËHEQËSVE POLITIKË PJESËMARËS	
DATA E TUBIMIT TË PLANIFIKUAR	
KOHA E FILLIMIT- E TUBIMIT TË PLANIFIKUAR	
KOHA E MBARIMIT- E TUBIMIT TË PLANIFIKUAR	
KOMUNA	
FSHATI	
LOKACIONI	
REFERENCA E KOORDINATAVE	
NUMRI I PRITUR I PJESËMARRËSVE	
NUMRI I ZYRTARËVE TË ARMATOSUR (Mbrojta e Afërt)	

KOMETET E ZYRTARIT TË LARTË TË KKZ-SË

<input type="checkbox"/> REKOMANDOHET PËR MIRATIM	<input type="checkbox"/> NUK REKOMANDOHET PËR MIRATIM
VËREJTJE	
NËNSHKRIMI I ZLKZ-SË	